

PENHOARN

AR C'HERNEVAD CHIMINAOU

(Le Cornouaillais Chemineau)



REDON

IMP. RÉUNIES A. BOUTELOUP ET FILS AINÉ, RUE VICTOR-HUGO

—
1907

AR C'HERNEVAD CHIMINAOU

(LE CORNOUAILLAIS CHEMINEAU)

2^e Prix du Concours de Gwerz

War an ton latin : O Jesu-mi, Jesu-mi, Deus meus
Oh ! pegen Kaer
pegen Kaer
eo
Ma Bro.

Breiziz an hent houarn, Breudeur Chiminaoued
Graet d'in me an enor da zont d'am selaouet.
Me a displego d'ac'h (bis)
Me a displigo d'ac'h, ma flaneden galed.
Oh ! pegen Kaer, etc.

C'houec'h vlavez warnugent, breman'zo tremenet
E Kwitaiz Kerne, Kerne ma Bro garet
Evit mont da Vro C'hall da c'honit ma zamm boed
Oh ! pegen Kaer, etc.

Pebez tristidigez d'am c'halon a Vreizad
Kwitat ma c'hoarezed, ma breurik ha ma zad
Kwitat ma C'heriaden, Kwitat bez ma Mamm-vad.
Oh ! pegen Kaer.

O devez a c'hlac'har ! O devez a ganvo !
Me'mo Koun dioute penn da benn d'am deio
En Bered Kanuhel, me a skuilhaz daero
Oh ! pegen Ken Kaer.

Ha en garik Kintin, pa gemeriz an train
Glac'haret ma c'halon da diou eur goude lein
E c'houlenniz malloz war al lankouned brein.
Oh ! pegen Kaer.

O deuz lacret d'am zud an ti toet en plouz
Ar parko, ar prajo hag al lanneier rouz
Ewar bere e vevaz ma C'hendado didrouz

Oh ! pegen Kaer.

An de warlerc'h vintin, pa oen me arruet
Da c'honit ma brifenn en Bro an Normaned
E œ diez ma C'halon e œ du ma Spered

Oh ! pegen Kaer.

Doue hepken ha me a oar an trubuilho
Am oe bet da c'houzanvr (*Ken*) pell dimeuz hon Bro
Disprizet gand an holl ha galvet da : *Vaho !*

Oh ! pegen Kaer.

Tremen 're war ma chouk, bec'hiou drest muzur
Kouffredou savonez, sac'hadou 'daou-c'hant lur
Ha me, paour kez Breizad, bean striz a natur

Oh ! pegen kaer.

Da viken am bo koun dimeuz an Normaned
Azo potred gentil ha gwir gamaraded
Pa ve krenvoc'h evité d'o derc'hel en resped

Oh ! pegen kaer.

Azo leun a fougé hag a fallagriez
Pa welont e arru, divroet en ho zouez
Eur paour kez Kernevad ouz a goste Keraez

Oh ! pegen kaer.

Koulskoude hon Rener, potr koz lemm a lagad
A deuz da hanveout buhan ma ioul vad
Hag a roaz kentelio dar paour bihan Breizad

Oh ! pegen kaer.

Gant Kuzuilho ma Mestr hag e aliou mad
'Tiskoiz d'an Normaned ec'hoaneur C'hernevad
Em oa eur penn-kalet hag e oan Mab d'am zad

Oh ! pegen kaer.

Ar gerio latin pere am oa disket
Gwechall en kanuhel d'an noz goude ma fred
Breman a servij d'in da skoda Gallaoued
Oh ! pegen kaer.

Ha pa oan bet, d'am zro, eun tamm diweatoc'h
Galvet, gant ma mestro, deur plasik uheloc'h
E kaviz adarre, neuze kouls ha kentoc'h
Oh ! pegen kaer.

Barz ar broio pell-ze siouaz ! a bep tort tud
Diboell ha direzon, evel loened mud
Gant troad ma skubelen 'n o lakiz war o C'hud
Oh ! pegen kaer, etc.

Falveout e raz d'ê, en giz d'an aerouan
Ma zapout en o laso da vevel da zatan
Birviken, a dra zur, da ze nan asantan
Oh ! pegen kaer, etc.

Kristen ac'hon ganet ha kristen e vevin
Breizad a oa ma zad ha Breizad e choumin
Gant bolante Doue katholik e varvin.
Oh ! pegen kaer eo.

Daou dimeuz ma Mestro, didrue, di-galon
O doa kasoni-vraz dimeuz ma Bro-vreton
Gand ar fulor ar vrasa 'deuz goasket ac'hanon
Oh ! pegen kaer, etc.

Me respountaz d'eze, evel eur Breizad ter.
D'ar Gall ha d'ar Moko, mirit ho plasoukaer :
Me a chomo féal da gizio ma Bro ger
Oh ! pegen kaer.

Pa 'm ezo tregont vlavez, tremenet evel se ;
Dibunet ma C'huden e c'houlennin konje
Da zistrein d'am Bro gaer, d'am Bro Uhel Gerné
Oh ! pegen kaer.

Eno e klevin c'hoaz, kan kaer ar Mesaer
O Vesaat e loened du-mân 'n hon lanneier
Hag en Oabl, euz d'e benn ; mouezik an Alc'houeder
Oh ! pegen kaer, etc.

Pegen kaer e gwelet klec'hidi Breiz-Izel
Rec'hel dantelezet skignet en aer Uhel
Pleustret gand hon zadou, tailhet gand o C'hizel
Oh ! pegen kaer.

Me a vezo laouen, me a vo evuruz
Pa glevin hon C'hleier gand o mouez dudiu
D'an noz ha da veure o son an Anjiluz
Oh ! pegen kaer.

Allaz ! eur gwall darvoud, ganin 'zo arruet
Trevajou hon zud koz d'am zad a oe laeret
Gant tud a galon griz o deuz hon rivinet
Oh ! pegen kaer.

Pa oen gand an dud kriz, distroadet a Gerne
E klaskiz en Treger eul lojennik neve
D'ei ec'h in da ziskwiz, d'achui ma buhe
Oh ! pegen kaer.

Kerne ha Laudreger, d'in me azo unan
O diou c'h int izili deuz Breiz Izel vihan
Da Vreiz ê ma c'halon, d'ezi ive ma C'han.
Oh ! pegen kaer.

Rag ma farouz. neve azo en Breiz-Izel
Enni e oë ganet Fanch-Mari an Uhel
Kenavo da Gerne, Kenavo, Kanuhel
Oh ! pegen kaer.

Kenavo Bered vad, en pelec'h e repoz
Ma Mammik ha zad ha ma holl dudokoz
D'am flaneden galed an Noblanz azo kaoz
Oh ! pegen kaer.

Me 'hanve, Koulskoude, tud pinvidik meurbed
A labour a galon evid ar Vretoned
D'ar re ze ma bennoz, me o c'haro bepred.

Oh ! pegen kaer.

Gloar d'an Noblansou mad azo choumet feal
Da giz o c'hendadou, breman evel gwechall
A gar o zrevaded dre garante léal

Oh ! pegen kaer.

Gloar d'an Estourbeillon, da Laig, da Gerviller
Kalan — Loth ha Vallée hag ar Guichardièr
A labour de ha noz d'adsevel hon Yez kaer.

Oh ! pegen kaer.

Pa deuy an dud pinvidik deuz hon Arvor garet
Evel an Estourbeillon da sikour hon Barzed
Ni a lako kaer-kaer yez koz ar Vretoned

Oh ! pegen kaer.

Breiziz an Hent-Houarn ma c'henvroiz karet
D'ac'h e vo a dra zur, ma diwean kouplet
Deut da hopal ganin : “ *Bevet ar Vretoned* ”

Oh ! pegen kaer, etc.

Kredit aliou mad ho mignon Penhouarn
Gwir doujanz ha resped d'ar mistri hon gouarn
Difennomp d'ar Mokos da grigi 'n hon skouarn

Oh ! pegen kaer.

Dalc'homp mignoniach hon Breudeur Gallaoued
Holl a c'homp Fransizien, bugale d'ar Gelted
Mez na lezomp morgen gwaski ar Vretoned.

Oh ! pegen kaer.

Ni a bev kouls hag int, “ kontribusiono ”
N'aotreomp ket dézê hon galver da : “ *Vaho* ”
Rag giviriou peb Fransez ar Breizad a viro

Oh ! pegen kaer, Pegen kaer eo Ma Bro

PENHOARN.

